

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 04-01-11-4-20757-4/24

Dana: 31.07.2024. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), člana 70. Zakona o javnim nabavkama („Službeni glasnik Bosne i Hercegovine”, br. 39/14 i 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2024. godinu, imenovane Rješenjem broj: 05-1-30-1-2317 od 18.01.2024. godine, u postupku javne nabavke usluga osiguranja (obavezno i kasko) motornih vozila Ministarstva unutrašnjih poslova Kantona Sarajevo, putem konkurentskog zahtjeva za dostavu ponuda, ministar unutrašnjih poslova Kantona Sarajevo,

d o n o s i:

ODLUKU

**o izboru ponuđača za nabavku usluga osiguranja (obavezno i kasko) motornih vozila
Ministarstva unutrašnjih poslova Kantona Sarajevo**

I

Na osnovu Odluke o pokretanju postupka nabavke broj: 04-1-11-4-20757/24 od 25.04.2024. godine i Obavještenja o nabavci broj: 1364-7-2-79-3-60/24 od 08.07.2024. godine, na portalu Agencije za javne nabavke objavljen je postupak nabavke usluga osiguranja (obavezno i kasko) motornih vozila Ministarstva unutrašnjih poslova Kantona Sarajevo, putem konkurentskog zahtjeva za dostavu ponuda.

II

Prihvata se preporuka Komisije za javne nabavke imenovane gore navednim rješenjem, te se shodno Zakonu o javnim nabavkama, primjenjujući kriterij "najniža cijena", u predmetnom postupku nabavke ugovor dodjeljuje ponuđaču "Grawe osiguranje d.d. Sarajevo", u iznosu od 16.198,66 KM bez PDV-a, (šesnaest hiljadastotinudevestosam i 66/100 KM).

III

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

IV

Ova odluka stupa na snagu danom donošenja.

Obrazloženje

Na osnovu Odluke o pokretanju postupka nabavke broj: 04-1-11-4-20757 od 25.04.2024. godine i Obavještenja o nabavci broj: 1364-7-2-79-3-60/24 od 08.07.2024. godine na portalu Agencije za javne nabavke objavljen je postupak Nabavka usluga osiguranja (obavezno i kasko) motornih vozila Ministarstva unutrašnjih poslova Kantona Sarajevo, putem konkurentskog zahtjeva za dostavu ponuda.



U skladu sa gore navedenim Obavještenjem o nabavci, Komisija za javne nabavke Ministarstva je izvršila javno otvaranje prispjelih ponuda dana 23.07.2024. godine, sa početkom u 15:00 sati, u prostorijama Sjedišta Ministarstva unutrašnjih poslova Kantona Sarajevo. Zapisnik sa otvaranja ponuda je dostavljen ponuđačima u zakonskom roku.

Tendersku dokumentaciju preuzelo je dvanaest ponuđača.

U postupku nabavke postavljena su dva pitanja na koja je odgovoreneo u zakonskom roku. Otvaranju ponuda nije prisustvo niko od predstavnika ponuđača.

Pristiglo je pet ponuda, sa sljedećim datumima i vremenom prijema:

- Euroherc osiguranje d.d. Sarajevo, 23.07.2024. godine u 10:11h,
- Sarajevo osiguranje d.d. Sarajevo, 23.07.2024. godine u 11:16h,
- Croatia osiguranje d.d. Mostar, 23.07.2024. godine u 12:20h,
- Grawe osiguranje d.d. Sarajevo, 23.07.2024. godine u 12:38h i
- Adriatic osiguranje d.d. Sarajevo, 23.07.2024. godine u 13:03h.

Komisija je konstatovala da su sve prispjele ponude blagovremene jer je prema Obavještenju o nabavci krajnji rok za dostavu ponuda bio 23.07.2024. godine do 14:00 sati.

Dostavljene ponude imaju sljedeće vrijednosti bez PDV-a i popusta:

- Euroherc osiguranje d.d. Sarajevo, u iznosu od 20.756,93 KM,
- Sarajevo osiguranje d.d. Sarajevo, u iznosu od 28.476,20 KM,
- Croatia osiguranje d.d. Mostar, u iznosu od 28.940,35 KM,
- Grawe osiguranje d.d. Sarajevo, u iznosu od 15.519,62 KM i
- Adriatic osiguranje d.d. Sarajevo, u iznosu od 24.209,89 KM.

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je sljedeće:

-prilikom računske kontrole ponuda, u Obrascu za cijenu ponude ponuđača Grawe osiguranje d.d. Sarajevo, ustanovljeno je odstupanje u zbiru kolone „Cijena za kasko osiguranje bez uključenog rizika od krađe (KM) bez PDV-a“, a samim tim i ukupne cijene ponude. Ponuđaču je, na saglasnost putem elektronske pošte dostavljen korigovan Obrazac za cijenu ponude nakon računske kontrole. Ponuđač je elektronskim putem, potvrdio računsku kontrolu te dostavio potpisan i ovjeren korigovani Obrazac za cijenu ponude tako da sveukupna cijena ponude navedenog ponuđača iznosi 16.198,66 KM bez PDV-a.

-Ponuđaču Grawe osiguranje d.d. Sarajevo, u skladu sa članom 17. stav (7) tačka b) Uputstva za pripremu modela tenderske dokumentacije i ponuda („Sl. glasnik BiH br. 90/14 i 20/15), je elektronskim putem dostavljen zahtjev da u što kraćem roku, a najkasnije do petka 26.07.2024. godine, elektronskim putem, dostavi objašnjenje neprirodno niske cijene ponude.

Dana 25.07.2024. godine ponuđač je dostavio detaljno obraloženje cijene dostavljene ponude -Nadalje, ponuđač Adriatic d.d. Sarajevo na strani 101 svoje ponude, u Obrascu za cijenu ponude, Aneks III, nije popunio polja pod rednim brojem 25. i 28. koja se odnose na kasko osiguranje bez uključenog rizika od krađe, a što se izričito tražilo na stranici 17. predmetne Tenderske dokumentacije.

Opreza radi Komisija naglašava da je u toku samog postupka nabavke, od strane ponuđača Euroherc osiguranje d.d. Sarajevo, postavljeno pitanje vezano za popunjavanje Obrasca za cijenu ponude – Aneks III, a ticalo se upravo popunjavanja tačaka 25. i 28. predmetnog obrasca, a na koje je Ugovorni organ blagovremeno i precizno odgovorio kako slijedi:



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

„U Obrascu za cijenu ponude navedeno je sljedeće:

- za motorno vozilo pod r.b 25. ostavljena su dva reda za unos cijena, u prvom redu se popunjava cijena i za osiguranje od AO i za AK osiguranje, a u drugom redu samo cijena za AK osiguranje za naznačeni period.
- za motorno vozilo pod r.b. 28 su isto tako ostavljena dva reda za unos cijena, u prvom redu se popunjava cijena samo za AK osiguranje, a u drugom redu i cijena za osiguranje od AO i za AK osiguranje za naznačeni period.

U Obrascu za cijenu ponude se nepopunjavaju jedino polja označena “/*”.

Imajući u vidu naprijed navedeno Komisija je ponudu ponuđača Adriatic d.d. Sarajevo ocijenila kao nepravilnu, a preostale četiri dostavljene ponude Komisija je ocijenila kao formalno-pravno ispravne i prihvatljive tako da su se stekli uslovi za zakazivanje e-aukcije.

E-aukcija je zakazana za dan 30.07.2024. godine u 10:00 sati.

Nakon što je okončan postupak e-aukcije, Komisija je izvršila analizu Izvještaja o toku i završetku e-aukcije te konstatovala da nije bilo podnošenja ponuda i da konačna rang lista ponuđača izgleda ovako:


PONUĐAČ	Iznos Ponude bez PDV-a (KM)	Rang
Grawe osiguranje d.d. Sarajevo	16.198,66	1.
Euroherc osiguranje d.d. Sarajevo	20.756,93	2.
Sarajevo osiguranje d.d. Sarajevo	28.476,20	3.
Croatia osiguranje d.d. Mostar	28.940,35	4.

Shodno utvrđenom činjeničnom stanju i kriteriju za dodjelu ugovora „najniža cijena“, u skladu sa članom 70. Zakona o javnim nabavkama, Komisija jednoglasno dala preporuku ministru unutrašnjih poslova Kantona Sarajevo da u postupku nabavke usluga osiguranja (obavezno i kasko) motornih vozila Ministarstva unutrašnjih poslova Kantona Sarajevo, donese odluku o dodjeli ugovora ponuđaču Grawe osiguranje d.d. Sarajevo, u iznosu od 16.198,66 KM bez PDV-a.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od deset dana od dana prijema Odluke o izboru, a u skladu sa članom 99. i 101. Zakona o javnim nabavkama.



Dostaviti:

1. Ponuđačima x5,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba